

皇甫持正文集

宋蜀刻本唐人集



YZLI0890174406

本社編

宋蜀刻本唐人集



YZLI0890174406

第二十册

宋 繫 皇 甫 持 正 齋
藥 六 弓 百 宋 書 櫃
珎 翫 中 虎 竭 藥

戊午七月二十三日 昇於海王邨



羈羅自斷出泥塗
北覽騎龍將八區經過
泰山絕大海手摩日月一長吁

直指天門帝所居
群仙迎笑塞天衢
依然食飲謀甘旨
鸞鳳嘈嘈滿太虛

玉皇許我御天姝
千百為翻氣宛舒
忽不自知友髀化
俄然散漫久而蘇

角天終始漫為娛
顏色芙蓉云不如
下視人間真溷糞
既來何物不蠅蛆

右送皇甫持正出世一篇行為四詩偶片語

寒雲乃出宋幣孤
存厲寫卷首已是
點金成鐵又後佛
頭者糞所笑人也

大方



皇甫持正文集目錄

皇甫持正文集目錄

第一卷

雜著

東還賦

傷獨孤賦

醉賦

明分

公是

諭業

出世

春心

壽顏子辯

悲汝南子桑

第二卷

論序

夷惠清和論

編年紀傳論

東晉元魏正閏論

荀孟言性論

送丘儒序

送簡師序

送孫生序

送王膠序

顧況詩集序

第三卷

制策

制策一道

第四卷

書

上李大夫書

論進奉書

荅李生第一書

荅李生第二書

與李生第三書

荅劉軻質書

第五卷

記

朝陽樓記

枝江縣南亭記

廬陵縣令廳壁記

吉州刺史廳壁記

荆南節度判官廳壁記

第六卷

碑銘

韓文公神道碑

韓文公墓銘

廬陵香城寺碑

上

下

護國寺威師碣

祭柳子厚文

恨石銘

讓風

皇甫持正文集目錄終

皇甫持正文集卷第一

雜著

東還賦

傷獨孤賦

醉賦

明分

公是


諭業

出世

春心

壽顏子辯

悲汝南子桑



東還賦

歸去來兮將息我以勸遊日月出入如忽然兮何東西
南北之悠悠淹蹇楚以轢宋幾途梁而軌周旅巴鄧兮
結鞅事峻幽兮相輶褫子魄於波瀾禿予迹於陵丘來
默默兮無定往區區兮曷求朝吾既去夫帝鄉越蒿華
而並河經淮水兮凌大江抵揚州之寄家亘年歲以不
居謂須臾息足於蓬蛄曾不得暖床之席扁舟渺兮前
程賒時浩汗兮月逶迤陟火嶺之峩峩既脫身於水嶮
聊慙弄兮雲波彼夷越之都府於滄瀛之曲阿將窮耳
目兮又汧東南眇千里兮煙霞閩禺會衝諸海親日飛
蟲伏蠱鑠肉消骨淖蒸湫閉浸滛歐鬱城薄沴兮雲生
山遏炎兮火出廢止逾月館城之東垣堠肩及庭無膝

容屋下羅星戶內冷風淖泥於激虺毒陰攻地淹於澤
水貴於玉療渴者舐肩趨庭者踵足眠發夕兮反覆坐
終日兮拳局念假宿之若狂嗟爾居人兮誰寘于毒駕
言出遊期於少蘇鳥夷犬戎咽水蠶衡狀兒群分頭角
萬殊渠股反舌虫聲鬼軀面渌眼青瞳眴遠紆見人驚
異直愕不起忽如呵闢側言其喜腥臊濁澤吹鄺襲里
躬顛僕眩屹然雙止入室何處出門何從冠帶不隼言
詞不通葺果卒歲輕葛禦冬朝避天火夕逃海風如何
君子棲遲斯邦嚼寄息兮無所嶢嶢咽兮誰與安讀書
之下幃兮樂儒行之環堵苟吾道之無爽又何陋於斯
土顧言行之有常雖蠻夷兮可處燕市屠狗趙人博徒
絕聖弃智志貧化屨望見相識聞聲來趨時與追隨聊

寬須臾雲盡盡兮雨紛紛夜月明而不見人情春戀於
江介夢綢繆於渭濱公孫遊兮蓮勺左父聘兮蔡陳一
困身於王者一固窮兮聖人思九州之博大胡自陷於
斯民盍歸來兮無苦自恨

傷獨孤賦

傷獨孤者傷君子也益傷君子有道而無命也河南獨
孤申步勝冠舉進士博學宏辭登科典校秘書不幸短
命無後其人君子也天厚之才而晉之年又亡其家傷
哉余獲知於君也久而切磨漸之益焉不幸淪喪所知
追想其人作賦傷之也

惜逝者之日遠芳心隱悶而內傷顧來者之不可與期
兮云誰嗣子之芬芳思夫君之好脩兮企千載之相望

紆文章於六經兮儒林爲之有光何事業之始酣而志
力之方剛宜盛德之日新俾茲大而熾昌飛霜肅其早
零兮意慘慘而不長俄消鑠以委絕兮還四氣之無當
謂明神正直兮始吾以信然天賞善而聽卑兮吾乃今
知其過之必夷夷而長久兮蹇煩冤而歷茲思美人兮
下泉雖爲芳蘭兮誰與佩之追往日之謫懽兮曾宿息
而不離我不見其幾何兮殄七日而及斯涕浪浪以相
接兮痛湛湛而不移謂陽光而亘燎兮遽蔑爾其焉之
忽左右之歆歆兮若感慟兮虛儀懷玉音之清泠兮似
屬耳而依依嗟眷想之若存兮竟天地而長辭願一撫
而無孤兮更出涕而淋浪聞古人所孜孜兮貴身沒而
名存顏冉不登下壽兮門百里而愈尊齊梁楚趙之君

非不富且貴兮人不得而稱之嗚呼自古而固然兮子
何歎乎今人

醉賦

昔劉伶作酒德頌以折縉紳處士予嘗爲沈湎所惱因
作醉賦寄任山尹君君嗜此物亦以警之爾

沈湎於酒有晉之七賢心遊於夢境墮於煙六府漫漫
四支綿綿逶隨真淳陶和渾鮮遺天地之闊大失膏火
之燒煎寂寂邈邈歸根復朴居若死灰行猶飄殼車屢
墜兮無傷首鎮濡兮不覺機發而動魂交而暝合文子
之淳味反騷人之獨醒曾不知其耳目尚何懼於雷霆
寓四體之合真歸一元而大寧翹蘖旣散竹桂滋已百
慮森復七情紛始風飄火蕪矜夸踣跂嗟海鳥之聚還

顧息肩兮未幾蘇門子聞而笑之曰言於道其猶醢雞
歟彼至仁者兮之於天地根性命於虛無拂披聚散脫
遺寰區形猶大象心冥太初故大道不失而至道可居
也今乃假荒惑之物沈耳目之機其解頰更憂恙繫滋
中心不可捐外患生于時爲疹爲毒爲狂爲醜負責人
道陰陽戾違東平巫醫毆乎有司辱身滅名痿肺滯支
狼狽顛蹶爲人大咄不得盡年玉色先衰曾不知都無
醉時使人困苦兮如茲

明分

天下之是非繫於人不懸於迹一於分不定於所爲孰
謂人君子小人是也孰謂分君子小人之別是也彼誠
君子矣爲之無不是彼誠小人矣動而之非故君子指